



A las instituziuns ch'èn responsablas
per las scolinas e per las scolas
en il chantun Grischun

Cuira, il fanadur 2007

Concept grischun da pedagogia speziala (concept per la scola speziala) dal mars 2007: instituziuns da pilot ch'èn responsablas per la scola

Stimadas dunnas e stimads signurs

En connex cun la realisaziun da la refurma da la gulivaziun da finanzas e da la repartiziun da las incumbensas tranter la confederaziun ed ils chantuns (NGF) ha il cussegl grond fatg en la sessiun d'avrigl 2007 in'adattaziun da la lescha chantunala davart la promoziun da personas cun impediments. L'art. 21a è vegnì extendì uschia, ch'il departament po permetter – en il rom d'in concept per la scola speziala ch'è vegnì approvà da la regenza – projects da pilot temporars. Cun il conclus nr. 406 dals 27 da mars 2007 ha la regenza approvà il concept grischun da pedagogia speziala (concept per la scola speziala) dal mars 2007 per la fasa transitorica dals onns 2008 fin 2010. En quai che riguarda las perspectivas da svilup a partir da l'onn 2011 ha la regenza prendì enconuschientscha dal concept.

Cun in sguard sin l'onn 2011 prevesa il departament d'educaziun, cultura e protecziun da l'ambient – sa basond sin questa situaziun da partenza – da realisar projects da pilot en in sector bass cun instituziuns interessadas ch'èn responsablas per la scola. En quest context è vegnids stgaffids ils suandants documents che Vus pudais chargiar sin Voss agen computer giu da la homepage da l'uffizi per la scola populara ed il sport, e quai er en rumantsch (www.avs-gr.ch / Volksschule, Sonderschulung / Konzepte / Sonderschulkonzept):

1. infurmaziuns per instituziuns da pilot ch'èn responsablas per la scola
2. instituziuns da pilot ch'èn responsablas per la scola: formular per ina dumonda per vegnir acceptadas sco instituziuns da pilot

3. indicaziuns statisticas da las instituziuns ch'èn responsablas per la scola davart il sector da la pedagogia speziala
4. cunvegna da model

Las instituziuns ch'èn responsablas per la scola vegnan supplitgadas cun questa brev d'examinar internamain, sch'ellas vulan sa participar sco **instituziuns da pilot**. Quellas instituziuns ch'èn interessadas èn supplitgadas **d'emplenir il formular per ina dumonda per vegnir acceptadas sco instituziuns da pilot ch'èn responsablas per la scola e da l'inoltrar a l'uffizi per la scola populara ed il sport (USS), Quaderstrasse 17, 7000 Cuira**. Il USS vegn ad examinar la dumonda e da la suttametter – en cas d'in giudicament positiv – al departament per l'approvaziun, cur ch'igl è uschè lunsch.

Il departament ha prendì enconuschientscha ch'i n'è betg pussaivel da survegnir las infurmaziuns correspondentas da l'uffizi da la AI dal Grischun u da l'uffizi federal da las assicuranzas socialas, quantas contribuziuns che l'assicuranza d'invaliditad ha pajà enfin ussa per ils divers secturs da la pedagogia speziala sco la terapia da legastenia, sco la logopedia e.u.v. Questas datas èn dentant impurtantas sch'il DECA duess pajar – en furma pauschalisada – circa las medemas contribuziuns a las instituziuns ch'èn responsablas per la scola er suenter l'introducziun da la NGF. Questas contribuziuns èn fin ussa vegnidas pajadas da l'assicuranza d'invaliditad e dal chantun. **Pervia da quai supplitgescha il departament las instituziuns ch'èn responsablas per la scola che sa vulan participar sco instituziuns da pilot d'emplenir la tabella "indicaziuns statisticas da las instituziuns ch'èn responsablas per la scola davart il sector da la pedagogia speziala" ch'è vegnida menziunada qua survast e da l'agiuntar a la dumonda per pudair vegnir acceptada en il project da pilot.**

Cun questa chaschun As engraziel jau cordialmain per l'examinaziun da la dumonda concernent la participaziun al project da pilot menziunà.

Cun salids amicabels

DEPARTAMENT D'EDUCAZIUN,
CULTURA E PROTECZIUN DA
L'AMBIENT DAL GRISCHUN



Claudio Lardi, cusseglier guvernativ